



UNIVERSITÄTS-
BIBLIOTHEK
PADERBORN

**ITINERARI[I] || ITALIAE || RERVMQ. ROMANARVM || LIBRI
TRES ||**

Schottus, Franciscus

Antverpiae, 1600

Synope, Vel Sinvessa colonia.

[urn:nbn:de:hbz:466:1-70633](https://nbn-resolving.de/urn:nbn:de:hbz:466:1-70633)

violentia, sed sola ingratisudinis accusatione ciuium suorum iniurias vlcisci satis habuit : patriam viuus , mortuusque voluntaria absentia sua, tanquam exilio quodam , multare volens. Plus etenim *Roma* perdidit in fortissimo ciue principe senatus sui, quam *Scripio* in patria sponte derelicta: quem nihilominus rerum præclarè gestarum gloria, virtutumque maiestas semper indiuiduæ sequebantur . Auctores sunt *Liuius*, *Strabo*, *Val. Maximus*, aliisque plures , *Literni* in villa sepulchrum Africani maioris fuisse. Quibus astipulatur itē *Anneius Seneca* in *xxcvii.* ad *Lucilium* suum epistola , quam ex eadem *Scipionis* villa tum adhuc extante *Literni* scripsérat; ubi & eius frugalem structuram, locique situm exactius depingit . *Plinius* item naturæ historiæ scriptor testatur libri *xvi.* capite ultimo, sua ætate in *Liternino* durasse prioris Africani manu satas oliuas : item *myrtum eiusdem in luco conspicue magnitudinis*, & sub ea specum fuisse dicit ; in quo manes eius custodire draco ferebatur. Hinc item fabula fortassis ad posteros dimanauit de monte *Draconis* non procul diffito, ubi & nunc affirmant accolæ *Massici* promontorij illius in specu vasto sub ara quadam in ædicula *D. Mari* vetusta latitare draconem, qui intrantes primū exanimet tetro veneno, & postea deuoreret: atque castello montique nomen inde impositum esse, quemadmodū *I. Ponanus* in historia *belli Neapolitani* memorie prodidit.

SYNOPE, VEL SINVESSA
colonia.

SV B arce maioris Draconis, antiquissima quondam Græcorum colonia *Synope*, à Romanis *Sinuessa* post appellata , cuius peringes.

gentes circumquaque visuntur ruinæ , præsertim in ora litoris , vt immensi portus inter alia . Deduxere Romani hanc coloniam , cum vicinis Minturnis bello Samnitico , quo frequenter inuoluebantur & Campani ; vrbis anno CDLVII . Appio Claudio II . & L. Volomnio II . coſſ . vt Liuius auctor est ; vel anno ſequenti , quo Pyrrhus regnare cœpit , vt vult Velleius Paterculus . Aquarum calidarum vi medica , celi que temperie mira fuit diu celebris colonia hæc : atque idcirco tepeſtem nominat Sinuēſſam poëta Silius Italicus . Balnea Gaurana nunc fontes illos appellant . At Tacitus Sinuēſſanas aquas annalium libro XII . ſcribens Claudium Imp . aduersa correptum valetudine , refouendis viribus molicie cæli , & ſalubritate aquarum Sinuēſſam perrexiſſe , cum boletos illi pararet venenatos vxor Agrippina . Rurſum historiarum ſui temporis libro primo pulchrè refert , vt apud aquas Sinuēſſanas Oſonius Tigillinus p̄cipuum Neronis ad omne facinus instrumentum , inter ſtupra concubinarum , & oſcula , ſectis nouacula fauicibus , infamem vitam finierit .

Mox Liri flumine traiecto , Minturnarū florētiſſimè quondam coloniæ reliquias perlustra , non procul à ripa protēſas ostiū ac mare versus . Cernes ingētes aedificiorum publicorū moles , ſaxis & marmorib⁹ partim ſpoliatas , partim integras : inter quas est aquæductus ſumptuosus & altus : item theātrum cum ſcena , proſcenio , pulpite , meibrifisque ſuis aliis , operis antiqui , ſed admodum ſolidi . Sic & amphitheātrum cum ſedilibus , gradationib⁹ , & cuneis , marmorū tamē atque ſaxorum quadris non minus ſpoliatum : ex quibus vicinum in colle caſtellum , quod Traiectum vocant , fuſcitatum & munitum eſſe videtur . In eius autem amphitheātri deſerti ruiniſ tanquam in vallis rotundæ cliuiſ capræ pecorad-

coraque versantur, ac arbusta graminaque; nunc carpunt. Vises insuper murorum & turrium magna vestigia, portarumque; praetatos fornices, aliaque aedificiorum fundamenta solidissima: ex quibus colligere est, urbem opibus splendidae & potentem fuisse. Nunc solum aratro proscissum, campi deserti, ruinæ, ruderæque spectata: nec non vicinæ paludes C. Marij post plures consulatus & triumphos proscripti latibris celebres, inconstantis fortunæ, & vicissitudinis rerum insignia cuius exempla suggerunt.

MINTVRNAE PALVDES.

Illustres & multis saeculis postea Minturnæ prælio maximo & cruento contra Saracenos, quo Christiani victores Ioanne x. summo Pontifice, & Alberico Tusco ducibus hostem perniciosissimum Italia profigarunt: exceptis profugorum e prælio reliquiis, quæ Garganum montem occuparunt. In quo se diu postea tenuere, prædationibus, & piratica vitam sustentantes.

FORMIAE.

INde secus Appiam via Herculanea multatum, Tullio teste, deliciarum, perge Formias. Molam nunc appellant castellum in litoris rupe positum. Ex situ, locorumque veteri descriptione Volaterranus, & antiquitatum periti plures coniiciunt M. Tullij Ciceronis *Formianum* ibidem fuisse. Nec refragor admodum. Etenim aedificiorum antiquorum ruinæ, statuarum tituli, & epitaphia, quæ in Appia & vicinis villis reperiuntur, liquide demonstrant Formias ibidem fuisse: atque inter alia hoc Elogium, quod in basi statuæ legitur, quam

I.M.P.